



10392

序

昔東坡見少遊上巳遊金明池詩有簾幕手家錦繡
垂之句曰學士又入小石調矣世人不察便謂其詩
似詞不知坡之此言蓋有深意夫鏤玉雕瓊裁花翦
葉唐末詞人非不美也然粉澤之工反累正氣東坡
慮其不幸而溺乎彼故援而止之惟恐不及其後元
祐諸公嬉弄樂府寓以詩人句法無一毫浮靡之氣
實自東坡發之也于湖紫微張公之詞同一關鍵始
公以妙年射策魁天下不數歲入直中書帝將大用
之未幾出守四郡多在三湖七澤間何哉衡謂茲地
自屈賈品題以來唐人所作不過柳枝竹枝詞而已

于湖詞序

一

豈口以物色分留我公要與大江東去之詞相爲雄
長故建牙之地不於此而於彼也歟建安劉溫父博
雅好事於公文章翰墨尤所愛重片言隻字莫不珍
藏既衰次爲法帖又別集樂府一編屬予序之以冠
其首衡嘗獲從公游見公平昔爲詞未嘗著稿筆酣
興健頃刻卽成初若不經意反復究觀未有一字無
來處如歌頭凱歌登無盡藏岳陽樓諸曲所謂駿發
踔厲寓以詩人句法者也自仇池仙去能繼其軌者
非公其誰與哉覽者擊節當以予爲知言乾道辛卯
六月望日陳郡湯衡撰

干湖先生雅詞序

蘇明允不工於詩歐陽永叔不工於賦曾子固短於韻語黃魯直短於散語蘇子瞻詞如詩秦少游詩如詞才之難全也豈前輩猶不免耶紫薇張公孝祥姓氏風雷於一世辭彩日星於郡國其出入皇王縱橫禮樂固已見於萬言之陞對其判花視草演絲爲綸固已形於尺一之詔書至於託物寄情弄翰戲墨融取樂府之遺意鑄爲毫端之妙詞前無古人後無來者散落人間今不知其幾也比遊荆湖間得公于湖集所作長短句凡數百篇讀之泠然灑然眞非煙火食人辭語予雖不及識荆然其瀟散出塵之姿自在如神之筆邁往凌雲之氣猶可以想見也使天假之年被之聲歌薦之郊廟當其陰莖韶護間作而遞奏非特如是而已一日鳳鳥去千年梁木摧予深爲公惜也于湖者公之別號也昔陳季常晦其名自稱爲龍邱子嘗作無愁可解東坡爲之序引世之不知者遂以龍邱爲東坡之號予故表而出之乾道辛卯仲冬朔日建安陳應行季陸序

于湖詞目錄

卷一

六州頭歌 一調

水調歌頭 三調

滿江紅 三調

念奴嬌 三調

木蘭花慢 二調

雨中花慢 一調

驀山溪 一調

鷓鴣天 二調

菩薩蠻 二調

鵲橋仙 二調

西江月 三調

憶秦娥 三調

桃源憶故人 一調

醉落魄 一調

卷二

水調歌頭 十調

念奴嬌 二調

于湖詞目錄

滿江紅 一調

定風波 一調

木蘭花 一調

多麗 一調

水龍吟 二調

訴衷情 一調

蝶戀花 一調

眼兒媚 一調

鷓鴣天 十二調

鵲橋仙 一調

虞美人 四調

菩薩蠻 六調

踏莎行 六調

臨江仙 一調

生查子 一調

浣溪沙 一調

二郎神 一調

卷三

浣溪沙 九調

西江月 七調

減字木蘭花 六調

憶秦娥 一調

浣溪沙 二調

柳梢青 一調

醜奴兒 四調

點絳脣 二調

卜算子 二調

南歌子 二調

望江南 二調

柳梢青 二調

鳳棲梧 一調

瑞鷓鴣 一調

青玉案 一調

南鄉子 一調

清平樂 三調

霜天曉角 一調

歸梧謠 三調

醜奴兒 一調

蝶戀花 一調

念奴嬌 二調

拾翠羽 一調

蝶戀花 二調

于湖詞目錄

踏莎行 一調

漁家傲 一調

夜遊宮 一調

鷓鴣天 三調

菩薩蠻 六調

南歌子 一調

鵲橋仙 一調

燕歸梁 一調

訴衷情 一調

浣溪沙 三調

卜算子 一調

點絳脣 二調

西江月 三調

水調歌頭 二調

于湖詞卷一

宋 張孝祥

六州歌頭

此調或作三疊亦擅腥止
第一段且休兵止第二段

長淮望斷關塞莽然平
征塵暗霜風勁悄邊聲黯銷
凝追想當年事殆天數非人力
洙泗上絃歌地亦擅
腥隔水蘊鄉落日牛羊下
區脫縱橫看名王宵獵騎
火一川明笳鼓悲鳴遣人驚
念腰間箭匣中劍空
埃壘竟何成時易失心徒壯
歲將零渺神京干羽方
懷遠靜烽燧且休兵
冠蓋使紛馳鴛若爲情聞道中
原遺老常南望翠葆霓旌
使行人到此忠憤氣填膺
有淚如傾

于湖詞卷一

一

水調歌頭

凱歌寄湖南
安撫劉舍人

猩鬼嘯篁竹玉帳夜分弓
少年荆楚劍客突騎錦襜
紅千里風飛雷厲四拔星流
芟掃蕭斧挫春蔥談笑
青油幕日奏捷書同
詩書帥黃閣老黑頭公
家傳鴻寶秘畧小試不言功
聞道璽書頻下看卽沙隄歸
去帷幄且從容
君王自神武一舉朔庭空

又

舟過金山寺
或作
詠月
或刻韓子蒼

江山自雄麗風露與高寒
寄聲月姊借我寶鑑此中
看幽壑魚龍悲嘯倒影星
辰搖動海氣夜漫漫擁起
白銀闕危駐紫金山
表獨立飛玉佩整雲冠
漱水濯雪眇視萬里一毫端
回首三山何處聞道羣仙笑

我要我欲俱還揮手從此去翳鳳更驟鸞

又隱靜寺觀雨
寺有碧霄泉

青嶂度雲氣幽壑舞回風江神助我雄觀喚起碧霄
龍電掣金蛇千丈雷震靈鼉萬壘洶洶欲崩空盡瀉
銀潢水散入寶蓮宮 坐中客凌積翠看奔洪人間
應失匕筴惟我獨從容淨洗從來塵垢潤及無邊枯
槁造物不言功天宇忽開霽日在五雲東

滿江紅秋懷

秋滿灘源巖雲靜曉山如簇動遠思空江小艇高邱
喬木策策西風雙鬢底暉暉斜日朱闌曲試側身回
首望京華迷南北 思歸夢天邊鶻遊宦事蕉中鹿
想一年好處砌紅堆綠羅帕分柑霜落齒冰盤剝芡
珠盈掬借春纖縷餽搗香齋新鶩熟

又雨

斗帳高眠寒窗靜蕭蕭雨意南樓近更移三鼓漏傳
一水點點不離楊柳外聲聲只在芭蕉裏也不管滴
破故鄉心愁人耳 無似有遊絲細聚復散眞珠碎
天應分付與別離滋味破我一牀蝴蝶夢輸他雙枕
鴛鴦睡向此際別有好思量人千里

又玩鞭亭。乾道
元年正月十日

千古淒涼興亡事但悲陳迹凝望眼吳波不動楚山
空碧巴滇綠駿追風遠武昌雲旆連天赤笑老奸遺

莫到如今留空壁 邊書靜烽煙息通軺傳銷鋒鏑
仰太平天子聖明無敵感踏揚州開帝里渡江天馬
龍爲匹看東南佳氣鬱蔥蔥傳千億

念奴嬌 欲雪呈朱漕

朔風吹雨送淒涼天意垂垂欲雪萬里南荒雲霧滿
弱水蓬萊相接凍合龍岡寒侵銅柱碧海冰澌結憑
高一笑問君何處炎熱 家在楚尾吳頭歸期猶未
對此驚時節記得年時貂帽暖鐵馬千羣觀獵狐兔
成車歌鍾殷地歸踏層城月持杯且醉不須北望淒
切

又洞

于湖詞卷一

三

洞庭青草近中秋更無一點風色玉界瓊田三萬頃
著我扁舟一葉素月分輝銀河共影表裏俱澄澈怡
然心會妙處難與君說 應念嶺海經年孤光自照
肝肺皆冰雪短髮蕭騷襟袖冷穩泛滄浪空闊盡挹
西江細傾北斗萬象爲賓客扣舷一笑不知今夕何
夕

又離

星沙初下望重湖遠水長雲漠漠一葉扁舟誰念我
今日天涯飄泊平楚南來大江東去處處風波惡吳
中何地滿懷俱是離索 長記送我行時綠波亭上
泣透青羅薄檣燕低飛人去後依舊湘城簾幕不盡

山川無窮煙浪辜負秦樓約漁歌聲斷爲君雙淚傾
落

木蘭花慢

離思。向誤作木蘭花令

送歸雲去雁淡寒彩滿溪樓正佩解湘腰釵孤楚鬢
鸞鑑分收凝情望行處路但疎煙遠樹織離憂只有
樓前溪水伴人清淚長流 霜華夜永逼衾裯喚誰
護衣篝念粉館重來芳塵未掃爭見嬉遊情知悶來
殢酒奈回腸不醉只添愁脈脈無言竟日斷魂雙鶩
南州

又別

情

紫簫吹散後恨燕子只空樓念壁月長虧玉簪中折

于湖詞卷一

四

覆水難收青鸞送碧雲句道霞扇霧鎖不堪憂情與
文梭共織怨隨宮葉同流 人間天上兩悠悠暗淚
酒燈篝記谷口圓林當時驛舍夢裏曾遊銀屏低聞
笑語但夢時冉冉醒時愁擬把菱花一半試尋高價
皇州

雨中花慢

長沙。向失慢字誤

一葉凌波十里御風煙鬢雨鬢瀟瀟認得江臯玉珮
水館冰綃秋淨明霞乍吐曙涼宿靄初消恨微顰不
語欲進還休凝竚迢遙 神交冉冉愁思盈盈斷魂
欲遣誰招還似待青鸞傳信烏鵲成橋悵望胎仙琴
疊羞看翡翠蘭若夢回人遠紅雲一片天際笙簫

驀山溪春情

雄風豪雨時節清明近
簾幕起輕寒暖紅爐笑翻灰
燼陰藏遲日欲驗幾多長
繡工慵圍棋倦香篆頻銷
印 茂林芳徑綠變紅添潤
桃杏意酣酣占前頭一
番花信華堂尊酒但作豔陽
歌禽聲喜流雲盡明日
春遊俊

鷓鴣天長沙餞劉樞密

浴殿西頭白玉堂
湘江東畔碧油幢
北辰躔次瞻星象
南斗山川解印章
隨步武借恩光
送君先促令人裝
他年真肯傳衣鉢
今日先須酌一觴

又春情

于湖詞卷一

日日青樓醉夢中
不知樓外已春濃
杏花未遇疎疎雨
楊柳初搖短短風
扶畫鷁躍花驄
湧金門外小橋東
行行又入笙歌裏
人在珠簾第幾重

菩薩蠻舟中

十年長作江南客
橋竿又挂西風席
白鳥去邊明楚山
無數青 倒冠仍落佩
我醉君同醉
試問識君否 青山與白鷗

又杏花。或作春暮

東風約畧吹羅幕
一簷細雨春陰薄
試把杏花看溼紅
嬌暮寒 佳人雙玉枕
烘醉鴛鴦錦
折得最繁枝 暖香生翠幃

鵲橋仙

橫波滴素遙山感翠江北江南腸斷不知何處御風
來雲霧裏釵橫鬢亂香羅疊恨鸞牋寫意付與瑤
臺女伴醉時言語醒時愁道說與醒時休看

又梅

吹香成陣飛花如雪不那朝來風雨可憐無處避春
寒但玉立仙衣數縷清愁萬斛柔腸千結醉裏一
時分付勸君不用嘆飄零待結子成陰歸去

西江月

黃陵廟

滿載一船明月平鋪千里秋江波神留我看斜陽喚
起鄰鄰細浪明日風回更好今朝露宿何妨水晶

于湖詞卷一

六

宮裏奏霓裳準擬岳陽樓上

又洞

庭

問訊湖邊春色重來又是三年東風吹我過湖船楊
柳絲絲拂面世路如今已慣此心到處悠然寒光
亭下水連天飛起沙鷗一片

又

爲劉樞密
太夫人壽

疇昔通家事契卽今兩鎮交承起居樞密太夫人緣
髮斑衣相映乞得神仙九醞祝教福祿千春台星
直上壽星明長見門闌鼎盛

憶秦娥

雪

雲垂幕陰風慘澹天花落天花落千林瓊玖滿空鸞

鷓鴣 征車渺渺穿華薄，路迷迷路增離索。增離索，楚
溪山水碧湘樓閣。

又梅

梅花發寒梢，挂著瑤臺月。瑤臺月和羹，心事履霜時
節。斷橋流水聲，嗚咽行人立。馬空愁絕，空愁絕，爲
誰凝竚，爲誰攀折。

又元
夕

元宵節鳳樓相對，鼇山結。鼇山結，香塵隨步柳梢微
月。多情又見珠簾揭，遊人不放笙歌歇。笙歌歇，曉
煙輕散帝城宮闕。

桃源憶故人
冬飲

于湖詞卷一

七

朔風弄月吹銀燄，簾幕低垂三面酒入玉肌香。輕壓
得寒威斂。檀槽仁撥，么絲慢彈，得相思一半不道
有人腸斷，猶作聲聲顫。

醉落魄

或誤作
醉羅歌

輕寒澹綠，可人風韻閒梳束。多情早是眉峯蹙。一點
秋波閒裏，覷人毒。桃花庭院閒妝束。銅鞮誰唱大
隄曲。歸來想是櫻桃熟。不道鞦韆誰伴，那人蹴。

于湖詞卷一終

字安國號子湖蜀之簡州人也後卜居歷陽故陳氏
稱爲歷陽人甲戌狀元及第出自思陵親擢故秦相
孫損居其下檜忌惡之以事召致于獄檜亡上眷益
隆不數載入直中書惜其不年上嘗有用不盡之歎
玉林集中興詞家選二十有四闕評云舊有紫薇雅
詞湯衡爲序稱其平昔爲詞未嘗著稿筆酣興健頃
刻卽成無一字無來處如歌頭凱歌諸曲駿發蹈厲
寓以詩人句法者也恨全集未見耳古虞毛晉記

于湖湖卷一跋

一

于湖詞卷二

水調歌頭

詞

汪德邵作無盡藏樓於棲霞之間取玉局老仙遺意張安國過之爲賦此

淮楚襟帶地雲夢澤南州滄江翠壁佳處突兀起紅樓憑仗史君胸次爲問仙翁何在長嘯俯清秋試遣吹簫看騎鶴恐來遊欲乘風凌萬頃從扁舟山高月小霜露旣降凜凜不能留一吊周郎羽扇尙想曹公橫槊興廢兩悠悠此意無盡藏分付水東流

又帥靖江作

五嶺皆炎熱宜人獨桂林江南驛使未到梅蕊透春心繁會九衢三市縹緲層樓疊觀雪片一冬深自是清涼國不遣瘴塵侵溪山好青羅帶碧玉簪平沙細浪欲盡陡起忽千尋家種黃柑丹荔戶拾明珠翠羽簫鼓夜沈沈莫問驂鸞事有酒且頻斟

又桂林中秋作

今夕復何夕此地過中秋賞心亭上喚客追憶去年遊千里江山如畫萬井笙歌不夜挾路看鼉頭玉界湧銀闕珠箔捲瓊鉤馭風去忽吹到嶺南州去年明月依舊還照我登樓樓下水明沙淨樓外參橫斗轉搔首思悠悠老子興不淺聊復少淹留

又過瀟湘寺

濯足夜灘急晞髮北風涼吳山楚澤行盡只欠到瀟

湘買得扁舟歸去此事天公付我六月下滄浪蟬蛻
塵埃外蝶夢水雲鄉製荷衣紉蘭珮把萍房湘妃
起舞一笑撫瑟奏清商喚起九歌忠憤拂拭三閭文
字還與日爭光莫遣兒輩覺此樂未渠央

又

艤棹太湖岸天與水相連垂虹亭上五年不到故依
然洗我征塵三斗快挹商飈千里鷗鷺亦翩翩身在
水晶闕眞作馭風仙望中秋無五日月還圓倚闌
清唱孤發驚起壑龍眠欲醉鴟夷西子未辦當年功
業空繫五湖船不用知餘事鱸膾正甘鮮

又聞采石
戰勝

于湖詞卷二

二

雪洗虜塵靜風約楚雲留何人爲寫悲壯吹角古城
樓湖海平生豪氣關塞如今風景剪燭看吳鉤賸喜
燃犀處駭浪與天浮憶當年周與謝富春秋小喬
初嫁香囊猶在功業故優游赤岸磯頭落照漚水橋
邊衰草渺渺喚人愁我欲乘風去擊楫誓中流

又

天上掌綸手閩外折衝才發蹤指示平蕩全楚息氛
埃緩帶輕裘多暇燕寢森嚴兵衛香篆幾徘徊襦袴
見歌詠桃李藉栽培紫泥封天筆潤日邊來趣裝
入覲行矣歸去作鹽梅祖帳不須遮道看取眉間一
點喜氣入尊壘此去沙隄路平步上三台

又

隆中三顧客，圯上一編書。英雄當日感，會餘事了寰區。千載神交二子，一笑渺然於世，卻願駕柴車常憶淮南岸。耕釣混樵漁。忽扁舟凌駭浪，到三吳。綸巾羽扇，笑容與列仙如。豈爲葦羹鱸膾，便挂衣冠神武。此興渺江湖。學酒對明月高曳紫霞裾。

又送謝倅之臨安

客裏送行客，常苦不勝情。見公秣馬東去，底事卻欣欣。不爲青氈俯拾，自是公家舊物，何必更關心。且喜謝安石重起爲蒼生。聖天子方側席，選豪英。日邊仍有知己，應剡薦章，聞好把文經。武略換取碧幢紅旆。談笑掃胡塵。勳業在此舉，莫厭短長亭。

于湖詞卷二

三

又送劉帥趨朝

鼇禁輟頗收，熊軾賴龔黃。一時林莽千險，鱷午要驅攘。金版云韜初試，烟斂山空野。迴低草見牛羊。旒纒釋南顧，戈甲濯銀潢。玉書下，袞懿績，促曹裝。帝衷天近，紅旆東去，帶朝陽。登輔五雲丹陛，迴首楚樓千里。遺愛滿瀟湘。應記依劉客，曾此捧離觴。

念奴嬌

再用韻呈朱丈

繡衣使者度郢中，絕唱陽春白雪。人物應須天上，去一日君恩。三接粉署香濃。宮林錦重，便把絲鉤結片心如水。不教炙手成熱。還記嶺海相從，長松千丈。

映我秋竿節忍凍推敲清興滿風裏烏巾獵獵只要
東歸歸心入夢夢泛寒江月不因尊鱸白頭親望眞
切

又仲欽提刑仲冬行邊漫呈小詞以備鼓吹之闕

弓刀陌上過蠻煙瘴雨朔雲邊雪幕府橫驅三萬里
一把平安遙接方丈三韓西山八詔慕義羞椎結梯
航入貢路經頭痛身熱 今代文武通人青霄不上
卻把南州節虜馬秋肥鵬力健應看名王宵獵壯士
長歌故人一笑趁得梅花月王春奏記便須平步清
切

滿江紅 思歸寄柳州林守

于湖詞卷二

秋滿衡臯烟蕪外吳山遙碧風乍起蘭舟不住浪花
如席離岸櫓聲驚漸遠盈襟淚點淒猶滴問此情能
有幾人知新相識 追往事懽連夕經舊館人非昔
把輕鬢淺笑細思量紅葉題詩誰與寄青樓薄幸今
遺迹但長洲茂苑草淒淒愁如織

定風波

鈴索收聲夜未央起尋花影步迴廊莫道嶺南冬更
暖君看梅花如雪月如霜 見說牆西歌吹好玉人
夾坐勸飛觴老子婆娑成獨冷誰省自挑寒燧自添
香

木蘭花 送張魏公

擁貔貅萬騎聚千里鐵衣寒正玉帳連雲油幢映日
飛箭天山錦城起方面重對籌壺盡日雅歌閑休還
沙場虜騎尙餘匹馬空還 那看更值春殘斟綠醅
對朱顏正宿雨催紅和風換翠梅小香慳牙旗漸西
去也望梁州故壘暮雲間休使佳人斂黛斷腸低唱
陽關

雨中花

一舸凌風斗酒醉江翩然乘興東游欲吐平生孤憤
壯氣橫秋浩蕩錦囊詩卷從容玉帳兵籌有當時橋
下取履仙翁談笑同舟 先賢濟世偶耳功名事成
豈爲封留何況我君恩深重欲報無由長望東南氣

干湖詞卷二

五

王從敎西北雲浮斷鴻萬里不堪回首赤縣神州

水龍吟

過活溪

平生只說浯溪斜陽喚渡秋船繫月華未吐波光不
動新涼如水長嘯一聲山鳴谷應棲禽驚起自顏元
者後水流花謝當年事無人記 須信兩賢不死駕
飛車時游此地漫郎宅裏中興碑下應留屐齒酌我
清尊洗君孤憤來同一醉待相期把袂清都歸路騎
鶴去三千歲

又

望九華作

竹輿曉入青陽細風涼月天如洗峰回路轉雲舒霧
捲了非人世轉就丹砂鑄成金鼎碧光相倚料天關

虎守箕疇龍負開神祕留茲地 縹緲朱幢羽衛望
蓬萊初無弱水仙人拍手山頭笑我塵埃滿袂春瑣
瑤房霧迷芝圃昔游都記悵世緣未了匆匆又去空
凝竚煙霄裏

多麗

景蕭疎楚江那更高秋遠連天茫茫都是敗蘆枯蓼
汀洲認炊煙幾家蝸舍映夕照一簇漁舟去國雖遙
窻覩漸近數峰青處是吾州便乘取波平風靜荃棹
且夷猶闌情有冥冥去雁拍拍輕鷗 忽追思當年
往事惹起無限羈愁在笏朝來多爽氣秉燭夜永足
清游翠袖香寒朱絃韻悄無情江水只東流拖樓晚
清商哀怨還聽隔船謳無言久餘霞散綺煙際帆收

于湖詞卷二

六

蝶戀花

漠漠飛來雙屬玉一片秋光染就瀟湘綠雪轉寒蘆
花蔌蔌晚風細起波紋縠 落日孤雲歸意促小倚
蓬窗寫作思歸曲過盡碧灣三十六扁舟只在灘頭
宿

訴衷情

中秋不見月

晚煙斜日思悠悠西北有高樓十分準擬明月還似
去年遊 揮玉竿捲銀鉤喚新愁嫦娥貪共暮雨朝
雲忘了中秋

鷓鴣天

上毋夫人壽

阿母蟠桃不記春長沙星裏壽星明金花羅紙新裁
詔員葉旁行別授經 同犬子祝龜齡天教二老鬢
長青明年今日稱觴處更有孫枝滿謝庭

又餞劉
共甫

憶昔追遊翰墨場武夷仙伯較文章琅函奏號銀臺
省瓊筆書名御苑牆 經十載過三湘橫眉麗錦照
傳觴醉餘吐出胸中墨只欠彭宣到後堂

又送錢使君
守橫州

舞鳳飛龍五百年盡將錦繡裹山川王家券冊諸孫
嗣主第笙歌故國傳 居玉鉉擁金蟬祇今門戶慶
綿聯君侯合侍明光殿且作橫槎海上仙

于湖詞卷二

七

又

仲欽提刑行部萬里闕四月而
後來歸轍奉蔬果爲太夫人壽

去日清霜菊滿叢歸來高柳絮纏空長驅萬里山收
瘴徑度層波海不風 陰德徧嶺西東天教慈母壽
無窮遙知今夕稱觴處衣綵還將衣繡同

又

楚楚吾家千里駒老人心事正關渠風流合是階墀
玉愛惜眞如掌上珠 紆綠綬薦芳壺老人還醉弟
兄扶間將何物爲兒壽付與家傳萬卷書

又上元
啟醮

詠徹瓊章夜向闌天移星斗下人間九光倒影騰青
簡一氣回春達絳壇 瞻北闕祝南山遙知仙仗簇

清班何人曾侍傳柑燕翡翠簾開識聖顏

又

子夜封章扣紫清五霞深裏珮環聲驛傳風火龍鸞
舞步入煙霄孔翠迎 珮簡重羽衣輕金章雙引到
通明三湘五莞同民樂萬歲千秋與帝齡

又

瞻蹕門前識箇人香車油壁照雕輪短襟衫子新來
棹四直冠兒內樣新 秋色淨曉妝勻不知何事在
風塵主公若也憐幽獨帶取妖嬈上玉宸

又

憶昔彤庭望日華匆匆枯筆夢生花鬱輪袍曲慙新

于湖詞卷二

八

奏風送銀灣犯斗槎 追往事及新瓜飛蓬何事及

蘭麻一江湘水流餘潤千里河隄築淺沙

又

可意黃花人不知黃花標格世間稀園葵裊露迎朝
日檻菊迎霜媚夕霏 芍藥好是金絲綠藤紅刺引
薔薇姚家別有神仙品似著天香染御衣

又

割鞞難留乘馬東花枝爭看裊長紅袞衣空使斯民
戀綠竹誰歌入相同 回武事致年豐幾多遺恨在
湘中深知楚水楓林下不似初聞長樂鍾

又

又向荊州任半年西風催放五湖船來時露菊白金
顆去日池荷翦綠錢 斟別酒扣離絃一時賓從最
多賢今宵拚醉花迷坐後夜相思月滿川

眼兒媚

曉來江上荻花秋做弄箇離愁半竿殘日兩行珠淚
一葉扁舟 須知此去應難遇直待醉方休如今眼
底明朝心上後日眉頭

虞美人

盧敖夫婦驂鸞侶相敬如賓主森然蘭玉滿尊前案
舉齊眉樂事看年年 我家白髮雙垂雪已是經年
別今宵歸夢楚江濱也學君家兒子壽吾親

于湖詞卷二

九

又

柳梢梅蕊香全未誰會傷春意一年好處是新春柳
底梅邊只欠那人人 憑春約住梅和柳且待些時
候錦帆風迅綵舟來卻放香苞嬌蕊一齊開

又

雲消煙漲清江浦碧草春無數江邊幾樹夕陽紅點
點征帆吹盡夜來風 樓頭月壓章華館我已無腸
斷斷行雙雁背人飛織錦迴文空在寄他誰

又

清宮初入韶華管宮葉秋聲滿滿庭芳草月嬋娟想
見明朝喜色動天顏 持杯滿勸龍頭客榮遇時難

得詞源三峽瀉瞿塘便是醉中空去也無妨

鵲橋仙

上主營壽送南康酒北梨

南州名酒北園珍果都與黃香爲壽風流文物是家傳
睨血指旁觀袖手東君消息西山爽氣總聚公家戶
膺舊時曾識玉堂仙在帝所頻開薦口

又

黃陵廟下送君歸去上水船兒一隻離歌聲斷酒杯空
容易裏東西南北重湖風月九秋天氣冉冉新愁如織
我家住在楚江濱爲頻寄雙素尺

又吳伯承侍兒

明珠盈斗黃金作屋占了湘中秋色金風玉露不勝

于湖詞卷二

十

情看天上人間今夕枝頭一點琴心三疊算有詩名
消得野堂從此不蕭疎何日向尊前喚客

又邢少連送未利

北窗涼透南窗月上浴罷滿懷風露不知何處有花
來但怪底清香無數炎州珍產吳兒未識天與人
間獨步冰肌玉骨歲寒時倩閒止堂中留住間止少連堂名

又上運使壽

東明大士吾家老子是一元知非二共移甘雨趁生
朝作萬壘豐年歡喜司空山上長沙星裏乞與無
邊祥瑞仙鄉日月正鎮常春笑人說長生久視

踏莎行

長莎花極小作此詞并二枝爲伯承欽天諸兄一觴之薦

洛下根株江南栽種天香國色千金重花邊三閣建
康春風前十里揚州夢 油壁輕車青絲短鞵看花
日日催賓從而今何許定王城一枝且爲鄰翁送

又別劉子思

古木叢祠孤舟野渡青年與客分攜處漠漠愁陰嶺
上雲蕭蕭別意溪邊樹 我已北歸君方南去天涯
客裏多歧路須君早出瘴煙來江南山色青無數

又五月十三日夜
月甚佳戲作

藕葉池塘榕陰庭院年時好月今宵見雲鬢玉臂共
清寒冰綉霧縠誰裁翦 撲粉香綿侵塵寶扇遙知
掩抑成淒怨去程何許是歸程離腸爲我深深勸

于湖詞卷二

十一

又

旋茸荒園初開小徑物華還與東風競曲檻暉暉落
照明高城冉冉孤煙暝 柳色金寒梅花雪靜道人
隨處成幽興一杯不惜小留連歸期已理滄浪艇

又

萬里扁舟五年三至故人相見尤堪喜山陰乘興不
須回叱耶問疾誰爲對 不藥身輕高談心會匆匆
我又成歸計他時江海肯相尋綠莎青箬看清貴

又朱漕生朝

桂嶺南邊湘江東畔四年兩見生申旦知君心地與
天通天教仙骨年年換 便趁秋風橫翔霄漢相看

黃紙書來喚但令丹鼎永頻添莫辭酒盞春無算

菩薩蠻

諸客往赴東鄰之集戲作此小詞

庭葉翻翻秋向晚砧聲敲月催金翦樓上已清寒不堪頻倚闌鄰翁開社饗喚客情應重不醉且無歸醉時歸路迷

又

雪消牆角收燈後野梅官柳春全透池閣又東風燭花燒夜紅一尊留好客欲盡闌干月已醉不須歸試聽烏夜啼

又

立春

絲金繡翠幡兒小裁羅襪線花枝裊明日是新春春

于湖詞卷二

十二

風生鬢雲

吳霜看點染愁裏春來淺只願此花枝

年年常戴伊

又

藤蘂白芷愁煙渚曲瓊飛捲江南雨心事怯衣單樓高生晚寒雲鬢香霧溼翠袖淒餘泣春去有來時春從沙際歸

又

恰則春來春又去憑誰說與春教住與問坐中人幾回迎送春明年春更好只怕人先老春去有來時願春長見伊

又

林柳州生朝

史君家枕吳波碧朱門鋪手搖雙戟也到嶺邊州眞
成汗漫遊 歸期應不遠趁得東江暖翁媪雪垂肩
雙雙平地仙

生查子

詠招
壘仙

宮紗蜂趕梅寶扇鸞開翅數招聚清風一捻生秋意
搖搖雲母輕裊裊瓊枝細莫解玉連環恐作飛花

墜

臨江仙

帥長沙寄靜江三故人
張仲欽朱漕際憲

試問宜齋樓下竹年來應長新篁使君五嶺又三湘
舊游知好在熟處更難忘 尙念論心舒嘯不只今
湖海相望遙憐陰至酒尊涼舉觴須酌我樓外是清

干湖詞卷二

十三

江

又

罨畫樓前初立馬隔簾笑語相親鉛華洗盡見天真
衫兒輕罩霧鬢子直梳雲 翠葉銀絲末利櫻桃澹
注香脣見人不語解留人數杯愁裏酒兩眼醉時春

二郎神

坐中客共千里瀟湘秋色漸萬寶西成農事了穰稔
看黃雲阡陌橋口橘洲風浪穩嶽鎮聳倚天青壁追
前事興亡相續空與山川陳迹 南國都會繁盛依
然似昔聚翠羽明珠三市滿樓觀湧參差金碧乞巧
處家家追樂事爭要做豐年七夕願明年強健百姓

歡娛還如今日

浣溪沙

只倚精忠不要兵，卷旗直入蔡州城。賊營半夜落妖星。
萬旅連屯看整暇，十眉環坐卻娉婷。白麻早晚下天庭。

又 饒劉

共甫

玉節珠輜出翰林，詩書謀帥眷方深。威聲虎嘯復龍吟。
我是先生門下士，相逢有酒莫辭斟。高山流水遇知音。

又

絕代佳人淑且貞，雲爲肌骨玉爲神。燭前花底不勝

于湖詞卷二

十四

春 倚竹袖長寒卷翠，淩波襪小暗生塵。十分京洛舊來人。

又

行盡瀟湘到洞庭，楚天闊處數峰青。旗梢不動晚波平。
紅蓼一灣紋纈亂，白魚雙尾玉刀明。夜涼船影浸疎星。

又

只說閩山錦繡幃，忽從團扇得生枝。緜紅衫子映豐肌。
春線應憐壺漏永，夜針頻見燭花摧。塵飛一騎憶來時。

又

瑞香

臘後春前別一般梅花枯淡水仙寒翠雲裘蒼紫霞
冠 妙品只今推第一寶香元不是人間爲君更酌
小龍團

又錢別
鄭憲

寶蠟燒香夜影紅梅花枝傍錦薰籠曲瓊低捲瑞香
風 萬里江山供燕几一時賓主看談鋒問君歸計
莫匆匆

又荊州約馬舉先
登城樓觀塞

霜日明霄水蘸空鳴鞘聲裏繡旗紅澹煙衰草有無
中 萬里中原烽火北一尊濁酒成樓東酒闌揮淚
向悲風

又再用
韻

于湖詞卷二

五

宮柳垂垂碧照空九門深處五雲紅朱衣只在殿當
中 細撚絲稍龍尾北緩攜綸旨鳳城東阿婆三五
笑春風

于湖詞卷二終

于湖詞卷三

浣溪沙

六客西來共一舟
吳兒蹋浪翦輕鷗
水光山影翠相浮
我欲吹簫明月下
略須停棹晚風頭
從前三五到蘄州

又

已是人間不擊舟
此心元自不驚鷗
卧看駭浪與天浮
對月只應頻舉酒
臨風何必更搔頭
暝煙多處是蘄州

又中秋十八客

同是登瀛冊府仙
今朝聊結社中蓮
胡笳按拍酒如泉

于湖詞卷三

一

泉喚起封姨清
晚暑更將荔子薦
新圖從今三五夜
嬋娟

又

日暖簾幃春晝長
纖纖玉指動枰牀
低頭佯不顧檀郎
荳蔻枝頭雙蝶蝶
芙蓉花下兩鴛鴦
壁間聞得睡絨香

又饒劉共交

射策金門記昔年
又教潘翰入陶甄
不妨衣鉢再三傳
粉淚但能添楚竹
羅巾誰解繫吳船
捧杯猶願小留連

又煙州亭定夫置酒作

灑灑湖光綠一圍
脩林斷處白鷗飛
天機雲錦蘼空
霏乞我百弓真可老
爲公一飲醉忘歸
扁舟日日
弄晴暉

又過臨川席
上賦此詞

我是臨川舊史君
而今欲作嶺南人
重來遼鶴事猶
新去路政長仍酷暑
主公交契更情親
橫秋閣上
晚風勻

又同
前

康樂亭前種此君
重來風月苦留人
兒童竹馬笑談
新今代孟士仍好客
政成歸去眷方新
十眉環坐
晚妝勻

于湖詞卷三

二

又

羅襪生塵洛浦東
美人春夢瑣窗空
眉山細蹙恨千
重海上蟠桃留結子
渥洼天馬去追風
不須多怨
主人公

西江月

諸老何煩薦口
先生自簡淵衷
千年聖學有深功
妙處無非日用
已授一編
圯下卻須三顧
隆中鴻鈞
早晚轉春風
我亦從君賈勇

又同僚飲
餞宜齋

窗戶青紅尙溼
主人已作歸期
坐中賓客盡鄒枚
盛事他年誰繼
別酒深深頻勸
離歌緩緩休催
扁舟

明日轉清溪好月相望千里

又

不識平原太守向來水北山人世間功業漫虧成華
髮蕭蕭滿鏡 幸有田園故里聊分風月江城西波
西畔晚波平袖手時來照影

又代口口宣教
又上母夫人壽

慈母行封大國老仙早上蓬山天憐陰德徧人間賜
與還丹七返 莫問清都紫府長教綠鬢朱顏年年
今日綵衣班兄弟同扶酒盞

又

冉冉寒生碧樹盈盈露溼黃花故人玉節有光華高

干湖詞卷三

三

會仍逢戲馬 世事只今如夢此身到處爲家與君
相遇更天涯揀了茱萸醉把

又庚渡陪諸公飲醉甚和尚巨源任子
嚴陶茂安韻呈周悅道使刻之樓上

樓外疎星印水樓頭畫燭烘蓮憑高舉酒思厭厭征
路虛無指點 酒興因君開闢山容向我增添一鉤
新月弄纖纖濃霧花房半斂

又

十里輕紅自笑兩山濃翠相呼意行著腳到精廬借
我繩牀小住 解飲不妨文字無心更狎鷗魚一聲
長嘯暮烟孤袖手西湖歸去

減字木蘭花

上黃倅宅
太淑人壽

慈闈生日見說今年年九十戲綵盈門大底孩兒七
箇孫 人間喜事只這一般誰得似願我雙親都似
君家太淑人

又

江頭送客楓葉荻花秋瑟瑟絃索休彈清淚無多怕
溼衫 故人相遇不醉如何歸得去我自忘歸煙滿
空江月滿隄

又

一尊留夜寶蠟烘簾光激射凍合銅壺細聽冰簷夜
翦酥 清秋冉冉酒喚紅潮登玉臉明日重看玉界
瓊樓特地寒

干湖詞卷三

四

又臘月二十
六日立春

春如有意未接年華春已至春事還新多得年時五
日春 春郊便綠已向臘殘春已足屈指元宵正是
新春二十朝

又贈
尼

吹簫泛月往事悠悠那更說碎破琉璃陡覺從前萬
事非 清齋淨戒休作斷腸垂淚債識破囂塵作箇
逍遙物外人

又

柳花柳柳知道東君留意久慘綠愁紅憔悴都因一
夜風 輕狂胡蝶擬欲扶持心又怯要免離披不告

東君更告誰

憶秦娥

天一角南枝向我情如昨情如昨水寒煙淡霧輕雲
薄 吹花嚼蕊愁無託年華冉冉驚離索驚離索倩
春留住莫教搖落

浣溪沙

湓浦從君已十年京江仍許借歸船相逢此地有因
緣 十萬貔貅環武帳三千珠翠入歌筵功成去作
地行仙

又

一片西飛一片東高情已逐落花空舊歡休問幾時

于湖詞卷三

五

重 爲習政如刀舐蜜掃除須著絮因風諸君持此
問龐公

柳梢青

碧雲風月無多莫被名韁利鎖白玉爲車黃金作印
不戀休呵 爭如對酒當歌人是人非恁麼年少廿
羅老成呂望必竟如何

醜奴兒

年年有箇人生日誰是君家誰是君家八十慈親髮
未華 棠陰閣上棠陰滿滿勸流霞滿勸流霞來歲
應添宰路沙

又

十分濟楚邦之媛此日追遊雨霽雲收夢入瀟湘不
那愁 主人白玉堂中老曾侍凝旒滿酌瓊舟卽上
羲皇香案頭

又

珠煙壁月年時節纖手同攜今夕誰知自撚梅花勸
一卮 逢人問道歸來也日日佳期管有來時趁得
收燈也未遲

又

無雙誰似黃郎子自鄮無譏月滿星稀想見歌場夜
打圍 畫眉京兆風流甚應賦蚡蜋楊柳依依何日
文簫共駕歸

干湖詞卷三

六

點絳脣

綺燕高張玉潭月麗玻璃滿旆霞行卷無復長安遠
夏木陰陰路裊薰風轉空留戀細吹銀管別意隨
聲緩

又

四到蘄州今年更是逢重九應時納佑隨分開尊酒
屢舞婆娑醉我平生友休回首世間何有明月疎
疎柳

卜算子

雪月最相宜梅雪都清絕去歲江南見雪時月底梅
花發 今歲早梅開依舊年時月冷豔孤光照眼明

只欠些兒雪

又

萬里去擔簦誰識新豐旅好事些兒說與郎奴是姪
娥侶 若到廣寒宮但道奴傳語待我仙郎折桂枝
揀箇高枝與

南歌子

上吳提宮壽

人物羲皇上詩名沈謝間漫郎元是漫爲官醉眼瞢
騰只擬看湘山 小隱真成趣鄰翁獨往還野堂梅
柳尙春寒且趁華燈頻泛酒船寬

又

曾到蘄州否人人說使君使君才具合經綸小試邊

于湖詞卷三

七

城早晚上星辰 佳節重陽近清歌午夜新舉杯相

屬莫辭頻後日相思我已足行人

望江南

題南岸銓德觀

談子醉獨立脫東風未試玉堂揮翰手只今楚澤釣
魚翁萬里舉杯空 謀一笑與君同身老南山看射
虎眼高四海看飛鴻赤岸晚潮通

又

朝元去深殿扣瑤鍾天近月明黃道冷參回斗轉碧
霄空身在九光中 風露下環珮響丁東玉案燒香
縈翠鳳松壇移影動蒼龍歸路海霞紅

柳梢青

蔣文栗兄趨朝錢文茹橫槎宗文如古藤孝祥置酒作別賦此以侑尊

滿城風雨重陽時節更催行色隴樹寒輕海山秋老
清愁如織一杯莫惜留連我亦是天涯倦客後夜
相思水長山遠東西南北

又

草底蛩吟煙橫水際月澹松陰荷動香濃竹深涼早
銷盡煩惱髮稀渾不勝簪更容裏吳霜暗侵富貴
功名本來無意何況如今

鳳樓梧

晝戟游閑刀入鞘安石榴花影落紅闌小似勸先生
須飲耐枕中鴻寶微傳妙袞袞鋒車還急詔滿眼

瀟湘總是恩波渺歸去槐庭思楚嶠瓠後月曉期分

于湖詞卷三

八

照

瑞鷓鴣

香珮潛分紫繡囊野塘波急折鴛鴦春風灞岸空回
首落日西陵更斷腸雪下哦詩憐謝女花間爲令
勝潘郎從今千里同明月再約園時拜夜香

青玉案

送頻統
韓行

相春堂上聞鶯語正花柳芳菲處有底尊前懽且舞
滿堂賓客紫泥丹詔袞袞煙霄路君王天縱資仁
武要尺箠平驕虜思得英雄親駕馭將軍行矣九重
虛白談笑清寰宇

南鄉子

刑監廟餞送朱太傅
張直閣阻雨賦此詞

江上送歸船風雨排空浪拍天賴有清尊澆別恨淒
然寶蠟燒花看吸川 楚舞芝湘絃暖響圍春錦帳
穩坐上定知無俗客俱賢便是朱張與少連

少連謂
刑監廟

清平樂

光塵撲撲宮柳低迷綠鬪鳴闌干春詰曲簾額微風
繡蹙 碧雲青翼無憑困來小倚雲屏楚夢未禁春
晚黃鸝猶自聲聲

又

向來省左謀國參伊呂暫借良儔匪再舉談笑肅清
三楚 良辰上客徜徉奏篇欲記傳香此日一尊相
屬它時同在巖廊

于湖詞卷三

九

又詠
梅

吹香嚼蕊獨立東風裏欲凍雲驕天似水羞殺天桃
穠李 如今見說闌干不禁月冷霜寒嶺上驛程人
遠城頭戍角聲乾

霜天曉角

柳絲無力冉冉縈柔碧繫我船兒不住楚江上曉風
急 棹歌休怨抑有人離恨極說道歸期不遠剛不
信淚偷滴

歸梧謠

送劉
郎

歸十萬人家兒樣啼公歸去何日是來時

又

歸獵獵薰風捲繡旗攔教住重舉送行杯

又

歸數得宣麻拜相時秋前後公衮更萊衣

醜奴兒

伯鸞德耀賢夫婦見說宜家見說宜家庭砌森森長
玉華 天公遣注長生籍服日食霞服日食霞壽紀
應須海算沙

蝶戀花

君泛仙槎銀海去後日相思地角天涯路草草杯盤
深夜語冥冥四月黃梅雨 莫拾明珠并翠羽但使
斯民愛我如慈母待得政成民按堵朝天衣袂翩翩

千湖詞卷三

十

舉

念奴嬌

海雲四斂太清樓極目一天秋色明月飛來雲霧盡
城郭山川歷歷良夜悠悠西風嫋嫋銀漢水輪側雲
霓三弄廣寒宮殿長笛 偏照紫府瑤臺香籠玉座
翠靄迷南北天上人間凝望處應有乘風歸客露滴
金盤涼生玉宇滿地新白壺中清賞畫簷高掛虛
碧

又

風帆更起望一天秋色離愁無數明日重陽尊酒裏
誰與黃花爲主別岸風煙孤舟燈火今夕知何處不

如江月照伊清夜同去 船過采石江邊望夫山下
酌水應懷古德耀歸來雖富貴忍棄平生荆布默想
音容遙憐兒女獨立衡臬暮桐鄉君子念予憔悴如
許

拾翠羽

春入園林花信總諸遲速聽鳴禽稍遷喬木天桃弄
色海棠芬馥風雨霽芳徑草心頻綠 禊事纔過相
次禁煙追逐想千歲楚人遺俗青旗沽酒各家炊熟
良夜遊明月勝燒花燭

蝶戀花

秦樂家
賞花

爛爛明霞紅日暮豔豔輕雲皓月光初吐傾國傾城

于湖詞卷三

十一

恨無語絲鸞祥鳳來還去 愛花常爲花留任今歲

風光又是前春處醉倒扶歸也休詠習池人笑山翁
語

又

恰則杏花紅一樹撚指來時結子青無數漠漠春陰
纏柳絮一天風雨將春去 春到家山須少住芍藥
櫻桃更是尋芳處曉院碧蓮三百畝留春伴我春應
許

踏莎行

楊柳東風海棠春雨清愁冉冉無來處曲徑驚飛蛺
蝶叢回塘凍溼鴛鴦侶 舞徹霓裳歌殘金縷蘼蘼

白芷愁煙渚欲識陽臺夢裏雲細聽華表歸來語

漁家傲

紅白蓮不可並栽用酒盆種之遂皆有花呈周倅

紅白蓮房生一處雪肌霞豔難爲喻當是神仙來紫
府雙稟賦人間相見猶相妒 清雨輕煙凝態度風
標公子來幽鷺欲遣微波傳尺素歌曲悞醉中自有
周郎顧

夜遊宮

句景亭

聽話危亭句景芳郊迥草長川永不待崇岡與峻嶺
倚闌干望無窮心已領 萬事浮雲影最曠闊鷺閑
鷗靜好是炎天煙雨醒柳陰濃芰荷香風日冷

鷓鴣天

于湖詞卷三

三

月地雲階歡意闌仙姿不合在人間驂鸞已恨車塵
遠泣鳳空餘燭影殘 情脈脈淚淚珊珊梅花音信隔
關山只應楚雨清留夢不那吳霜綠易斑

又詠桃

菊花

桃換肌膚菊換妝只疑春色到重陽偷將天上千年
豔染卻人間九日黃 新豔冶舊風光東籬分付武
陵香尊前醉眼空相顧錯認陶潛是阮郎

又

送陳倅正字攝峽州

人物風流冊府仙誰教落魄到窮邊獨班未引甘泉
伏三峽先尋上水船 斟楚酒扣湘絃竹枝歌裏意
悽然明時合下清猿淚閒日頻題采鳳牋

菩薩蠻

西齋爲杏
花寓言

臙脂淺染雙珠樹春風到處嬌無數不語恨懨懨何
人思故園故園花爛熳笑我歸來晚我老只思歸
故園花雨時

又回

落霞殘照橫西閣閣西橫照殘霞落波淺戲魚多多
魚戲淺波手攜行客酒酒客行攜手腸斷九歌長
長歌九斷腸

又回

渚蓮紅亂風翻雨雨翻風亂紅蓮消深處宿幽禽禽
幽宿處深澹妝秋水鑑鑑水秋妝澹明月思人情

情人思月明

又回

晚花殘雨風簾捲捲簾風雨殘花晚雙燕語虛窗窗
虛語燕雙睡醒風愜意愜風醒睡誰與話情詩

詩情話與誰

又回

白頭人笑花間客客間花笑人頭白年去似流川川
流似去年老羞何事好好事何羞老紅袖舞香風
風香舞袖紅

又

玉龍細點三更月庭花影下餘殘雪寒色到書帷有

人清夢迷 牆西歌吹好獨暖香閨小多病怯杯觴
不禁冬夜長

南歌子

過嚴關

路盡湘江水人行瘴霧間昏昏西北度嚴關天外一
簪初見嶺南山 北雁連書斷秋霜點鬢斑此行休
問幾時還唯擬桂林佳處過春殘

鵲橋仙

湘江東畔去年今日堂上簪纓羅綺弟兄今日拜尊
前共一笑歡歡喜喜 渚宮風月邊城鼓角更好親
庭一醉醉時重唱去年詞願來歲強如今歲

燕歸梁

于湖詞卷三

古

風柳搖絲花纏枝滿目韶輝離鴻過盡百勞飛都不
似燕來歸 舊來王謝堂前地情分獨依依畫梁雕
拱啟朱扉看雙舞羽人衣

訴衷情

牡丹

亂紅深紫過羣芳初欲減春光花王自有標格塵外
鎖韶陽 留國豔問仙鄉自天香翠帷遮日紅燭通
宵與醉千觴

浣溪沙

母氏生辰老
者同在舟中

穩泛仙舟上錦帆桃花春浪舞清灣壽星相伴到人
間 黃石公傳三百字西王母授九霞丹銀潢有路
接三山

又以貢茶沈水
爲齊伯壽

北苑先春小鳳團
炎州沈水勝龍涎
殷勤送與繡衣仙
玉食向來思苦口
芳名久合上凌煙
天教富貴出長年

又發公安風月甚佳
明日至石首風雨驟
至留三日同行諸公
皆有詞孝祥用韻

方船載酒下江東
孤管橫時浪拍空
萬山紫翠晚雲重
擬看岳陽樓上月
不禁石首岸頭風
作牋我欲問龍公

卜算子

風生杜若洲
日暮垂楊浦
行到田田亂葉邊
不見凌波女
獨自倚危闌
欲向荷花語
無奈荷花不應人

于湖詞卷三

十五

背立啼紅雨

點絳脣

萱草榴花畫堂永晝
風清暑麝團
菰黍助泛苕蒲醕
兵辟神符命續同心
縷宜歡聚綺筵歌舞
歲歲酬重午

又

秩秩賓筵玉潭春漲
玻璃滿
旆霞風卷可但長安遠
夏木成陰路裊薰風
轉空留戀細吹銀管
別意隨聲緩

西江月

風盡灘聲未已
雨來篷底
先知岸邊楊柳
最憐伊憶

得扁舟曾繫 朝霧平吞白塔茅簷似有青旗三杯
村酒醉如沈天色寒呵且睡

又

以寶鼎隋人寫小
字蓮經爲總得壽

漢鑄九金神缶隋書小字蓮經剛風劫火轉青冥護
守應煩仙聖 昨夢傳來帝所今朝壽我親庭只將
此寶伴長生談笑中原底定

又

飲百花亭爲武夷樞密先生作亭望廬
山雙劍峰爲惡竹所蔽是夕盡伐去

落日鎔金萬頃晴嵐洗劍雙峰紫樞元是黑頭公佳
處因公愈重 分得湖光一曲喚回廬岳千峰一尊
今夜偶然同早晚商巖有夢

水調歌頭

方務德
生日

于湖詞卷三

六

紫橐論思舊碧落拜除新內家敕使傳詔親付玉麒麟
麟千里江山增麗是處旌旗改色佳氣鬱輪囷看取
連霄雪借與萬家春 建崇牙開盛府是生辰十洲
三島都向今日祝松椿多少活人陰德合享無邊長
壽惟有我知君來歲更今日一氣轉洪鈞

又

過岳陽樓作

湖海倦游客江漢有歸舟西風千里送我今夜岳陽
樓日落君山雲氣春到沅湘草木遠思渺難收徙倚
闌干久缺月掛簾鉤 雄三楚吞七澤隘九州人間
好處何處更似此樓頭欲弔沈累無所但有漁兒樵
子哀此寫離憂回首叫虞舜杜若滿芳洲

于湖詞卷三終

于湖詞卷三

七

洛水詞

目錄

水調歌頭 五調

六州歌頭 一調

滿江紅 二調

步虛詞 一調

沁園春 六調

錦堂春 一調

壺中天慢 一調

燭影搖紅 一調

謁金門 一調

水龍吟 一調

喜遷鶯 四調

柳梢青 二調

賀新郎 一調

寶鼎現 一調

念奴嬌 三調

傾杯樂 一調

醉蓬萊 二調

西江月 二調

洛水詞目錄

滿庭芳 三調

減字木蘭花 一調

洛水詞目錄終

洛水詞

宋程秘

水調歌頭

昏發烏江朝至湖陰月正午舟中作

玉女掃天淨雍觀掠江寬問君何事底急夜半挾舟
還三島眠龍驚覺萬頃明瓊碾破涼月照東南碧氣
正吞吐滿挹漱膺肝 煙蓬上乘雲象嗽天關人間
已夢我獨危坐玩漫汗螭殿黃昏未鎖鶴唳翩躚蜚
下共吸酒壺乾輿罷吹笙去風露五更寒

又

壬子五月二十三日流杯玉泉雨忽大
作連賦水調二章一書于壁一懷以歸

電闕驅神駿鐵槌起癡蛟木鳴山裂盛夏白晝野魑
號急上瑤庭深處爲問龍君何怒挾破古天潮日華

洛水詞

一

開綯采雨意屬詩豪 與君來葦玉佩斬觚飄纖流
沈羽借我萬斛沸銀濤醉拍滿缸香雪寫竭一池濃
墨逸氣正飄颻何事謫仙子歸去續松醪

又

日轂金鉦赤雪竇水晶寒支機石下翻浪噴薄出層
關半夜雌龍驚走明日靈蛇張甲蜚上石盤桓多謝
山君護未放醉翁閑 安得醉風風泚泚露珊瑚翠雲
老子邀我瑤佩駕紅鸞一勺流觴何有萬石橫缸如
注虹氣飲溪乾忽夢坐銀井長嘯俯清湍

又登甘露寺多景樓望淮有感

天地本無際南北竟誰分樓前多景中原一恨杏韃

論卻似長江萬里忽有孤山兩點點破水晶盆爲借
鞭霆力驅去附崑崙望淮陰兵冶處儼然存看來
天意止欠士稚與劉琨三拊當時頑石喚醒隆中一
老細與酌芳尊孟夏正須雨一洗北塵昏

又戊戌
自壽

渤海東南界西北倚崑崙當時推步但知宇內有乾
坤午夜風輪徵轉駕我浮空泛景一息過天垠俯脉
人間世渺渺聚漚塵挽天吳摩海若吐還吞寧用
計年八十陽九又三陰要自白榆星外直至黑流沙
底山與澤俱平不論初末度一色界如銀

六州歌頭

送辛稼軒

洛水詞

二

向來抵掌未必總談空難徧舉質三事試從公記當
年賦得一邱一壑天鷲閭淵魚靜莫擊磬但酌酒儘
從容一水西來他日會從公曳杖其中問前回歸去
笑白髮成蓬不識如今幾西風蒙莊多事論虱豕
推羊蟻未辭終又馱說魚得計孰能通嘆如雲罔罟
龍伯啖眇難窮凡三惑誰使我釋然融豈是匏瓜繫
者把行藏悉付鴻濛且從頭檢校想見口迎公湖上
千松

滿江紅

龔榘幹示
閩中秋

黃鶴樓前江百尺波橫光溢問老子當年高興何人
知得最愛洞庭天際水分明表裏玻璃色恐今宵未

必似前番天應惜 都莫問鴻鍾勒也休羨壺天謫
憶故人霜下亂灘橫笛便好騎鯨游汗漫古來蟾影
何曾沒更明年重約再來時乘槎客

又登石頭城
歸已月生

頗恨登臨浪自作騷人愁語石城上何須苦說死袁
生褚當日卧龍商略處秦淮王氣真何許與君來蕭
瑟北風寒黃雲暮 枕鍾阜湖立武生此虎真蹲踞
看四山環合休臨江渚可笑唐人無意度卻言此虎
凌波去君且住明月爲人來潮生浦

步虛詞

壽張門司

休怪頻年司鑰仙官長守仙宮東風未肯到凡紅先

洛水詞

三

舞雲韶彩鳳 都是一團和氣故教上苑春濃羣仙
拍手過江東高唱紫芝新頌

沁園春

別陳總帥○此一闕
本集誤作八聲甘州

玉局仙人輕帆萬里送入三吳怪一舟如葉元無濁
物依然姑射滿載冰壺昔日文君千言成誦不識如
今記得無新來也喜都將分付一顆驪珠 向來田
賦蠲輸散多少春風巴與渝算公家粗了蕁鱸而已
何妨西子白髮江湖印鑄黃金時來須佩畢竟人生
萬卷書離情處正秦淮歲晚雪意模糊

又壽王
運使

公有仙姿蒼松野鶴落落昂昂論法主長生仍須極

貴雲臺絳闕都許徜徉更憶當年而今時候一念功名下帝旁天分付使人間草木盡有春香 人知相法奇龐又那識陰功事更長算毘陵荒政江東風采忠文典則凜凜生光再歲秦淮觚稜入夢帷幄從來在廟堂公歸去好平心獻替人望時康

又詩李
通判

那用招秋休言推暑風自薰兮問誰解當初識公來處月明碧落旆卷青霓千丈長松起人生意凍芋寒瓜空滿畦還堪怪怪諸公袞袞我尙憑泥 須教一舉崔嵬算人世功名各有梯更何須煉鼎立霜絳雪只煩煮茗水餅冰齏紫府多仙招來滿座公自長生

洛水詞

四

角亢齊何曾也有玉麟行地老鳳梧棲

又謝劉小山
頻寄所作

君有新詞何妨爲我時遣奚奴看此山大小風流晉宋眼中餘子苦自侏儒九曲清溪千枝楊柳還記新條更有無春將好欲從君商略君意何如 佳人玉佩瓊琚更胸中澆灌有詩書把古人行處從頭檢點今人說底卻不須渠更上石頭重登鍾阜畫作金陵攷古圖頻相見怕薰風早晚便隔天隅

又賦椿堂牡丹
庚午三月望日

消得瑯闌也不枉教車馬如狂怪元和一事韓公子者歸來廡去玉毀崑岡爲解花嘲朝來試看采佩殷

霞泥露香君休怪算只緣太豔俗障難降 詩人未
易平章向百卉彫零獨後裝看洪爐大器從來成晚
只須這著也做花王況是月坡花園一尺歷盡紛紛
瑣細芳還堪笑笑龍鍾老鳳方入都堂

讀史記
又有感

試課陽坡春後添栽多少杉松正桃塢晝濃雲溪風
軟從容延叩太史丞公底事越人見垣一壁比過秦
關遠生瞳江神吏靈能脫罟不發衛平蒙 休言唐
舉無功更休笑三朝自阨窮算汨羅醒處元來醉裏
真放假孟舉竟誰封太史亡言牀頭釀熟人在晴嵐
杳靄中新隄路喜樛枝鱗角天矯蒼龍

洛水詞

五

錦堂春

留春

最是元來苦無風雨只恁匆匆歸去看遊絲都不恨
恨秦淮新漲向人東注 醉裏仙人惜春會賦卻不
解留春且在問何人留得在怕小山更有碧蕪春句

壺中天慢

詩邱樞密
向失慢字

日躔東井正輪囷桂影十分光潔火令方中符國運
天與非常英傑犖犖平生眼空宇宙綠髮千尋雪笑
談一鎮單于底事心懾 晚歲佛地功深人間富貴
五湖煙水闊誰遣心期事左須酬滿麒麟勛業又也
何妨長生仙籙已在黃金闕中原恢拓要公歸任調

燮

燭影搖紅元

青旂搖風朱簾漏月黃昏早蓬山萬疊忽蜚來上有
千燈照和氣祥煙繚繞映瓊樓五雲縹緲青裾綺袂
亂吹繁絃九衢驩笑元是琴堂十分管領春光到
手移星宿下人寰招客來仙島信道邦人見少彷徨
似皇都春好明年只恐鼇山扈從隨班清曉

謁金門

用趙帳
韓韻

煙漠漠醉裏看春都錯過了清明遲一著牡丹重約
摸曉日漸明簷角天與芳辰難卻駐得韶華元有
藥桃源誰共約

水龍吟

壽李
尚書

洛水詞

六

道家弱水蓬萊鯨波萬里誰知得人間自有南昌居
士仙風道骨詩似白星貌如眸老風塵挺出向謫仙
家裏滕王閣畔飄玉佩下丹闕黃髮四朝元老又
誰知重生綠髮手提一筆活人多少三千功積已冠
文昌人人瞻望玉樞躋偏對新涼酒頰微紅宛是一
星南極

喜遷鶯

別陳
新恩

少年意氣腦燕兵胡鞞虜王區脫眼底矇矓腹中空
洞不著曹劉元白聞道殊科八中也要彩盧連擲收
拾盡到如今但有寸心如鐵天付真奇特口靜神
充雙眼胡僧碧楚國離騷唐朝詞學未信芳塵口歇

結取佳人香佩截斷兒曹綺舌歸去也且爛斑戲綵
好春長日

又壽李
文昌

評君誰似似長松千丈離奇多節骨瘦稜稜文高學
學今日口來仙闕走卒識公容貌首虜問公官闕更
史館一編書多少頻添勛業 偉絕今歲別新綠名
孫又見枝生葉底事七旬雙瞳如水畢竟桂花方發
賜第彤墀秋早又一瑤樞光潔故人也念相逢誰似
鳳池同列

又壽薛
何書

一天風露喜初行彈壓人間殘暑金母此時雲駟先

洛水詞

七

降又見樞星光吐人道鴻濛逢日可是東方明處更
天上走玉人絡繹儀鸞瓊醕 聽語更希舉試把皇
朝盛事都來數當日鼇頭皇扉侍母綠髮方瞳□□
更有飛鳧王季往往文星再聚渾休問但回班千歲
貂蟬成譜

又壽薛
樞密

去年玉燕記曾期今歲瑤光入度今日都人從頭屈
指盡是黑頭公輔爭道一朝語合誰信千齡際遇更
積雨曉來晴洗出瑠璃秋宇 笑語知何許旃卷青
霓來自鈞天所道骨仙風安排頓著須是人間紫府
要識雲臺高絕更有鳳池深處從今數看千秋萬歲

永承明主

柳梢青 壽薛尚書

官已尚書人猶寒素仙有名言謂是若人法當至貴
仍主脩年 唐人四字鮮妍堪照映畫堂綵煙更對
新涼一聲芝曲萬斛金瓶

又和齊仙

留春

嫩綠成堆朝來紅紫都在莓苔方見春來又聞春去
暗裏誰催 人生易老何哉春去矣秋風又來何似
雲溪長春日月無去無歸

賀新郎

壽李端明本集前段第二句多紛紛二字後段第六句多常見二字

袖手雲溪上看人間飢烏腐鼠觸蠻交戰便得金魚

洛水詞

八

垂玉帶多少雌黃點勘算此語必非河漢直自彈冠
班入座更青春數到期頤算一段玉無纖玷 公難
學處尤堪羨全似口冷秋水體清形健袞處從來
高一著那肯隨人腳轉要須是乾坤清晏天意未欸
公猛去要都偷了卻從公便歌壽斝朱簾捲

寶鼎現 壽李端明

綠楊欲舞紅杏微笑春工漸侈試儂指自從嘉定數
到寶慶口口裏無一歲不書年大有問元功誰變理
於變雍熙口口口如此自當千歲 況是端笏蓬萊
陞看雍容玉立山峙煉五色補天無跡扶日天衢光
四被安清祐填羣心聲色恬然如談笑耳更入荒民

生莫枕此著又當千歲 又況善述先猷嚴武備不
開邊鄙陰功徧南北千歲未多瞻社且說總是三千
歲此際方口岐疑聽今日處處笙歌何止南樓十二

念奴嬌

丙子自壽。本集作酬江月

平生有意把六經膏澤人人霑受白被子明康節輩
浪說乘除先後遇合一時英雄千古誰是高強手蹉
跎歲晚臨風浩然搔首 今但入夢青山雲谿深處
煙月生懷袖宿有十年蕭散願此段功緣須就因憶
坡公仇池有約莫悞歸時候今朝對酒歌此與君爲

壽

又憶先廬春山之勝

洛水詞

九

歸來一笑尙看看趁得人間寒食阿壽牽衣仍問我
雙鬢新來添白忍見庭前去年芳草依舊青青色西
湖雨後綠波兩岸平拍 天教斷送流年三之一矣
又是成疎隔燕子春寒渾未到誰說江南消息玉樹
熏香冰桃翻浪好箇眞消息這回歸去松風深處橫
笛

又初見海棠花

嫣然一笑向燭花光下經年纔見欲語還羞如有恨
方得東君一盼天意無情更敎微雨香淚流丹臉今
朝霽色笙歌初沸庭院 因是思入東屏當年手植
徧桃源低岸失腳東來春七度辜負芳叢亡

園丁寧如歸去細與從頭看東風獨立白雲遮斷雙
眼

傾杯樂

丁亥自壽。本集失樂字誤。

鑾殿秋深玉堂宵永千門人靜問天上西風幾度金
盤光滿露濃銀井碧雲飛下雙鸞影迤邐笙歌笑語
羣仙隱隱更前問訊墮在紅塵今省 漸曙色曉風
清迥更積霽沈陰都捲盡向窗前引鏡看來尙喜精
神炯炯便折箇浮邱共酌奈天也未教酩酊來歲卻
笑羣仙月寒空冷

余家天爵山乃浮邱伯升之地

醉蓬萊

壽王司直

算千葩百卉誰伴東風早春時候唯有江梅在人間

洛水詞

十

長久雪後霜前衝涉多少尙精神如舊歲歲年年酴
酥飲了便爲公壽 更向尊前席上細看人與梅花
枝稜爭瘦桃李漫山都落芳塵後和氣滿身參調玉
鉉表天然孤秀來歲今朝星闈霧閣一卮春酒

又

丙申自壽

記蟾宮桂子撒向人間如今時候□□□□□□□□
□□□□□□□□□□□□□□□□□□□□□□□□
年一息誰稱彭壽 開徧門前丹蕊漸西風入東籬
釀成仙酒□□□□□□□□□□□□□□□□□□□□
蓋占斷宣徽秀來歲清茗公家事了斑衣藍綬

西江月

壬辰自壽

天上初秋桂子

今歲七月月中桂子下

庭前八月丹花一年一

度見仙槎秋色分明如畫

願把陰功一脈燈燈相

續無涯降祥作善豈其差永作漁樵嘉話

又

癸巳自壽

底事中秋無月元來留待今宵羣仙拍手度仙橋驚
起眠龍天矯天上靈槎一度人間八月江湖西興

渡口幾魂消

癸丑八月特親西興

又見潮生月上

滿庭芳

雪登前嶺自己西江右雪行彌月四十七年無此樂也今再見之

未歲嘉平初旬日四雪中歸自崇唐山林湖海一氣

接蒼茫踏盡玉龍千丈更一望龍尾天長須臾上高

峯四顧迤邐週前岡羣山如玉削松林百萬盡傳

洛水詞

十一

瓊霜渾疑是天際一鶴翱翔人道玉皇三六欲一叩
風力方剛明朝好金烏銜燭八表散祥光

又

戊戌上元喜霽訪開桃洞

去臘飛花今春未已迤邐將度元宵俄然甲子青帝
下新條淨掃一天沈靄紅輪滿大地山河從今好便
當聽取萬國起歌謠有人當此際鉏雲深塢翦月
中阿已占斷春風自種仙桃更扶疎桂影直從巖底
上拂雲梢仍爲我長摩蒼石無負此清波

又

戊戌自壽

人道蒼姬燠多寒少故教千歲綿綿算來春夏一氣
本無偏底事今年玉厓秋未朔風露冷然君知否山

深地僻自是早霜天 如今當此去十分親切而
嬋娟何須看仙槎海上重還好在金英玉屑口爲我
滿泛金船仍傳語橫江秀石口永鎖三川

減字木蘭花

不應雙睫看盡人間花與雪曾是當時一朵紅雲擁
石飛 如今正好萬綠千紅深處坐也使春工喚作
天池五月風

洛水詞

十一

洛水詞終

字懷古休甯人世系本河北洛川自號洛水遺民十
歲詠冰便有莫言此物渾無用曾向滹沱渡漢兵之
句舅氏黃寺丞叱爲非常兒挾以自隨以平生所得
二吳之學及有聞於程大昌者悉以付之由鄉薦旅
試南宮時丞相趙公典舉見其文曰天下奇才也擢
魁多士或以道學相猜置本經第二論者莫不稱抑
嘗讀宋史詳其功業恨未得全集讀之癸酉中秋衍
門從秦淮購得端明洛水集二十六卷雖考之伊子
志中卷次遺逸甚多而大畧已槩見矣先輩稱其宗
歐蘇而長於文章洵哉急梓其詩餘二十有一調以
存其人云古虞毛晉記

洛水詞跋

歸愚詞

目錄

滿庭芳 十調

錦堂春慢 一調

水龍吟 一調

菩薩蠻 一調

風流子 二調

多麗 二調

沙塞子 一調

春光好 二調

西江月 一調

蝶戀花 一調

清平樂 一調

減字木蘭花 二調

水調歌頭 一調

玉漏遲 一調

行香子 一調

玉樓春 一調

鷓鴣天 一調

浪淘沙 一調

歸愚詞目

卜算子 三調

夜行船 一調

兩中花 二調

好事近 二調

眼兒媚 一調

歸愚詞

宋 葛立方

滿庭芳

梅 催

霜葉停飛冰魚初躍梅花猶闕芳叢翦酥裝玉應爲
費天工爭奈江南驛使征鞍待一朵香濃憑誰報冰
肌仙子聞早駕飛龍 溶溶春意動寒姿未展終愧
羣紅與斬新末上開伴長松要看黃昏庭院橫斜映
霜月朦朧蘭堂畔巡簷索笑誰羨杜陵翁

又 和催

梅

未許蜂知難交雀啅芳叢猶是寒叢東方解凍春仗
做春工何事仙葩未放寒苞秘冰麝香濃應須是驚

歸愚詞

一

聞羯鼓誰敢噴髻龍 梅花君自看丁香已白桃臉
將紅結歲寒三友久遲筠松要看含章簷下閒妝靚
春睡朦朧知音是凍雲影底鐵面葛仙翁

又 探

梅

狂吹鳴籬祥雲翦水分明欺壓寒梅冰威初斂曦影
上池臺應有一番和氣南枝上恐有春來須勤探呼
吾筇杖屐齒上蒼苔 春風渾未到徘徊香徑巡繞
千迴見瓊英一點小占條枚且看先鋒鬪豔看看便
繁蕾齊開香浮動微熏詩夢須更著詩催

又 賞

梅

臘雪方凝春曦俄漏畫堂小秩芳筵玉壺仙蕊簾外

罌瑤煙莫話青山萬樹聊須對一段孤妍杯行處香
參鼻觀百濯未爲賢 吾廬何處好繡香竹畔偶桂
溪邊且爲渠珍重滿泛金船已拚春醒一枕如今且
醉倒花前花飛後歡呼一笑又是說明年

又
梅泛

庚信何愁休文何瘦范叔一見何寒梅花酷似索笑
畫檐看便肯嫣然一笑疎籬上玉臉冰顏須勤賞莫
教青子半著樹頭酸 朱闌聊掩映崑崙頂上琪樹
團樂命兒曹班坐草草杯盤旋折溪邊□朶瑤蕤泛
蕉葉杯寬從教□尊前有客拍手笑頰山

又
梅簪

歸愚詞

二

弄月黃昏封霜清曉數枝影墮溪濱化工仙手幻出
一番新片片雕酥碾玉寒苞似已洩香塵聊相對暗
人投分尊酒認荀陳 吾年今老矣佳人薄相笑插
林巾愧蒼顏白髮回授烏雲玉鏡臺邊試看相宜是
淺笑輕顰君知否壽陽額上不似髮邊春

又
梅評

一陣清香不知來處元來梅已舒英出籬含笑芳意
爲人傾細看高標孤韻誰家有別得花人應須是魏
徵嫵媚夷甫太鮮明 北枝方半吐水邊疎影綽約
娉婷問橫空皎月匝地寒翼何似此花清絕憑君爲
子細推評幽奇處素娥青女著意爲橫陳

又

屏映琉璃窗搖雲母水堂新登雲灣際天波面玉鏡
寶奩覓闌外青山幾疊瑤煙歛影落千鬟寒汀晚蘆
花飛雪風定白鷗閒 塵寰何處有方壺圓嶠弱水
波翻問何如藜杖此地躋攀種竹今逾萬个風枝靜
日報平安他年事蒼雲屯處千畝看栖鸞

又 五姪將赴當塗
自金壇來別

栗里田園烏衣門巷別來幾換星霜華陽仙窟翠桁
綵衣香夢墮當塗風月披絳帳欲指鱸堂浮鷗外來
寧老子特泛雪溪航 相逢春正好梅舒香白柳曳
宮黃且相將一笑樂未渠央須念離多會少難輕負
百榼霞漿深深觀舞回飛雪樂奏小宮商

歸愚詞

三

又 胡汝明罷帥歸
坐間次韻作

江國麾幢邊城鼓角溢川幾報嚴更笑談油幕英傑
爲時生腹貯六韜三畧新詩就子槩頗橫功名事也
年未晚一筇落櫂槍 歸來何早計白蘋洲畔鏡樓
深耕又何如竹帛彝鼎垂名犀節徵還伊趁春風外
文鷁催行巖廊上談兵齒頰譚論佐休明

錦堂春慢 正旦
作

氣應三陽氛澄六幕翔烏初上雲端問朝來何事喜
動門闌田父占來好歲星說道宜官擬更憑高望遠
不在煙波春在晴巒 歌管雕堂宴喜任重簾不捲

交護春寒況金釵整整玉樹團團柏葉輕浮重酌梅
枝巧綴新幡共祝年年如願壽過松椿壽過彭聃

水龍吟

遊釣臺作

九州雄傑溪山遂安自古稱佳處雲迷半嶺風號淺
瀨輕舟斜渡朱閣橫飛漁磯無恙鳥啼林塢弔高人
陳迹空瞻遺像知英烈垂千古憶昔龍飛光武悵
當年故人何許羊裘自貴龍章難換不如歸去七里
溪邊鷓鴣源畔一簑煙雨嘆如今宥子翻將釣手遮
日向西秦路

菩薩蠻

侍飲賞黃花

井梧葉葉秋風晚東籬點點金錢滿開急爲重陽日
歸愚詞

四

烘深院香

幽姿無眾草莫恨生非早嚼蕊傍池臺

壽公桑落杯

風流子

元旦作

夜半春陽啟東風峭猶帶去年寒嘆榆塞戰塵玉關
煙燧壯心耿耿青鬢斑斑又還是一年頭上到日月
信跳九門帖繪雞麻頒金鳳酒浮柏葉人頌椒盤
幽園春信近簾櫳靜小宴取次追歡聊□水沈煙裊
清唱聲閒況良辰漸有梅舒瓊蕊柳搖金縷巧綴新
旛莫惜醉吟親側衣曳荆蘭

又

細草芳南苑東風裏贏得一身閒見花朵繡田柳絲

絡岸沼冰方泮山雪初殘又還是隴頭春信動梅蕊
人征鞍月裏暗香水邊疏影淡妝宜瘦玉骨禁寒
泛金溪上好開幽戶聊面翠麓雲灣知道醉吟堪老
名利難關算書帷意懶宦塗遊倦舊時習氣惟有躋
攀擬待杖藜花底直到春闈

多麗賞

冷雲收小園一段瑤芳乍春來未回窮臘幾枝開犯
嚴霜傍黃昏暗香浮動照清淺疎影低昂卻月幽姿
含章媚態姮娥姑射下仙鄉倚闌看殷勤持酒索笑
也何妨堪憐處東君不管獨自淒涼 算何人爲伊
銷斷古今才子篇章有西湖賦詩處士口東閣年少

歸思詞

五

臺郎驛使來時吳王醉處幾番牽動廣平腸臆冥賞
微酸如豆又是隔年長高樓外莫教羌管吹墮寒香

又蓮蕩作

破波光如鏡三翼輕舟對雨餘重巖疊嶂何妨影墮
清流望芙蕖渺然如海張雲錦掩映汀洲出水奇姿
凌波豔態眼看一葉弄新秋恍疑是金沙池內玉井
認峯頭花深處田田葉底魚戲龜遊 正微涼西風
初度一彎斜月如鉤想天津鵲橋將駕看寶匳蛛網
初抽晒腹何堪穿針無緒不如溪上少淹留競笑語
追尋惟有沈醉可忘憂憑清唱一聲檀板驚起沙鷗

沙塞子

梅詠

天生玉骨冰肌瘦，損也知他爲誰寒。底傲霜凌雪不
教春知。高樓橫笛試輕吹，要一片花飛酒卮。拚沈
醉，帽簷斜插，折取南枝。

春光好

立道生
日作

去年曾壽生朝正，黃菊初舒翠翹。今歲雕堂重預宴，
梨雪香飄。是時梨花
盛開故云明年應傍丹霄看寶曆，重重
在腰。鵲尾吹香籠繡段，且醉金蕉。

又

寒食時
過淮作

禁煙卻釀春愁正，繫馬清淮渡頭。後日清明催疊鼓，
應在揚州。歸時元已臨流，要綺陌芳郊恣遊。三月
羈懷當一洗，莫放觥籌。

歸愚詞

西江月

閨
爐

風送丹楓捲地，霜乾枯葦鳴溪。獸爐重展向深閨。紅
入麒麟方熾。翠箔低垂，銀蒜羅幃。小釘金泥笙歌
送我玉東西。誰管瑤花舞砌。

蝶戀花

冬至席
上作

緹室羣陰清曉散，灰動葭苒，漸覺微陽扇。日永繡工
才一線。挈壺已報添銀箭。六幕無塵開碧漢。非霧
非煙，彷彿登臺見。梅萼飄香紫小宴。霞漿莫放琉璃
淺。

清平樂

子直過省生日
候殿試席間作

文章驚世半挹南宮第。蟾窟澄輝。天似洗。折得窠窠

丹桂 當年蓬矢生賢流霞滿祝長年更願巨鰲連
釣楓宸第一臚傳

減字木蘭花

四姪過省候
廷試席上作

搖毫鑄藻縱有微之應壓倒萬里鵬程南省今書淡
墨名 臚傳丹陛月裏桂花先著袂雁塔高題玉季
巍科尙覺低

又章劔築地
相望作

張南周北漫說清漳搖紺碧何似幽棲甥舅相望共
一溪 璇題沙版不用買隣糜百萬餘戶增輝庭列
芝蘭戶戟枝

水調歌頭

歸愚詞

七

睡鴨凝香縷白酒瀉無聲郊墟不辨羊酪照筋紫絲
蓴此去青山深處邀得白雲爲伴絕意請長纓一舸
背君去幾幅布帆輕 帝恩重容祿隱吏祠庭膝閒
文度安規得計是揚名珍重金蘭交契共惜匆匆別
去送我幾煙林異日懷君處凝睇亂層岑

玉漏遲

窗戶明環堵山容黛染水光綃舞荷蓋擎煙花映步
波神女嫩臉鉛華掩素無語向熏風凝眇晴又雨征
鞞隱隱雲洲沙渚 須臾風捲還晴看洩丹囊仁飄
沈炷魚飭荷衣珠顆亂傾無數休話金沙玉井爭似
我神龜處觴爲舉何人解歌金縷

行香子

風透紗窗葉落銀牀夾纈林吹下嚴霜新篳浮蟻班
坐飛觴有巖中秀籬中豔洛中香 金鈿放蕊玉粒
爭芳噴年年來趁清商不應素節還有花王看正封
詩龜年調太真狂

玉樓春

雪中擁爐
聞琵琶作

青女飛花濃翦水寒氣霏微度窗紙人閒那得骨爲
簾蘊有麒麟尊有蟻 笙簧凍澁閑纖指香霧暖熏
羅帳底卻教試作忽雷聲往往驚開桃與李

鷓鴣天

小孫周時
席上作

榴花庭院戲罷餽水翦雙眸畫不如莫恨未能通瑟
歸愚詞

八

個只今先已辯之無 虎睛淺綴新花帽龍腦濃熏
小繡襦乃祖未須貼厥力及時須讀五車書

浪淘沙

子直新第落
成席上作

休看朝川圖未是幽居何如雲水繞儲胥新溼青紅
開棟宇霧拱風疏 小圃秀郊墟花破平蕪五峯列
影水平鋪只欠五城樓十二便是蓬壺

卜算子

賞荷以蓮
葉勸酒作

明鏡蓋紅蕖軒戶臨煙渚窈窕珠簾淡淡風香裏開
尊俎 莫把碧筒彎恐帶荷心苦喚我溪邊太乙舟

漱盞盛芳醕

又

席間
再作

裊裊水芝紅脈脈蒹葭浦淅淅西風淡淡煙幾點疏
疏雨 草草展杯觴對此盈盈女葉葉紅衣當酒船
細細流霞舉

夜行船

章甥婚
席間作

百尺雕堂懸蜀繡珠簾外玉闌瓊甃調鼎名家吹簫
賢胄新卜鳳凰佳耦 銀葉添香香滿袖滿金杯壽
君芳酒喜動蟾宮祥生熊帳應在細君歸後

雨中花

睢陽途中小雨
見桃李盛開作

壯歲嬉遊樂事幾經青門紫陌芳春未見廉纖膏雨
浥花塵濯錦寶絲增豔洗妝玉頰尤新向韶光濃處
點染芳菲總是東君 蘇州老子經雨南園爲誰一

歸愚詞

九

掃花林誰信道佳聲著處肌潤香勻曉洗何郎湯餅
暮留巫女行雲寄言遊子也須留眄小駐蹄輪

又奉使途中
作和前韻

寄徑睢陽陌上忽看天桃穠李爭春又見楚宮行雨
洗芳塵紅豔霞光夕照素華瓊樹朝新爲奇姿芳潤
擬倩遊絲留住東君 拾遺杜老猶愛南塘寄情蘿
薛山林爭似此花如姝麗懶髓輕勻不數江陵玉杖
休誇花鳥紅雲少須澄霽一番清影更待冰輪

好事近

歸有
期作

幾騎漢旌迴喜動滿川花木遙睇清淮古岸散離愁
千斛 煙籠沙嘴定連艘鵲腳蘸波綠歸話隔年心

事秉夜闌銀燭

又和子直
惜春

歸日指清明肯把話言輕食已是飛花時候賴東風
無力 青帘沽酒送春歸莫惜萬金擲屈指明年春
事有紅梅消息

眼兒媚回至汴京喜
而成長短句

暫時莫蕩出燕然冰柱凍層簷時節馬蹄歸路楊花
亂撲征幟 如今歸去銀鑰宜見七寶牀邊待得退
朝花底家人爭捲珠簾

歸思詞

十

歸思詞 終

字常之清孝公書思之孫文康公勝仲之子文定公
邨之父也丹陽人後以文康守吳興因家於泛金溪
與弟立象同登紹興戊午進士第所著西疇筆耕五
十卷方輿別志二十卷歸愚集五十卷外制集五卷
其贈炙人口者莫如韻語陽秋二十卷前有小引以
晉人褚裒自况托故人徐林爲之序未果而卒復於
夢中索之豈文人平生得力處至死未能已已耶其
自題草廬曰歸愚識夷塗游宦泯捷徑故文集與詩
餘俱名歸愚第其中如雨中花眼兒媚諸調俱不合
譜未敢妄爲更定云古虞毛晉記

歸愚詞跋

10392

